

唐

音

統

籤

丙籤三儲光義之三

唐音統籤卷九十一

五言古詩三

田家卽事答崔二東臯作四首

玄鳥雙雙飛杏林  
初發花响媮命僮僕可以樹桑  
府清且理犁鋤日入未還家

有安山中至言傳故人訊  
蕩漾敷遠情飄飄吐清  
韻猗猗春臯上無乃成秋興

念別求須臾忽至嚶鳴時  
菜田燒故草初樹養新  
枝所寓非幽深夢寐相追隨

依依親隴畝寂寂無鄰里  
不聞雞犬音日見和風

起賴君遺揆藻憂來散能弭

奉和韋判官獻侍郎叔除河南採訪使

天卿小冢宰道大名亦大醜正在權臣建旗千里  
外楚山俯江漢汴水連譙沛兩持方伯珪再轉諸  
侯蓋恬淡輕黜陟優游逸千載乾象變台衡羣賢  
盡交泰聿來股肱郡河嶽卽襟帶盛德滋冀方仁  
風清汾澮四封盡高足相府輜車最超超青雲器  
婉婉竹林會賤士敢知言成頌明代燕雀依大  
厦期之保貞悔

酬蘇十三瞻登玉泉寺峯入寺中見贈作

慶門疊華組盛列鍾英彥貞信發天安文明叶邦  
選為情貴深遠作德齊隱見別業在春山懷歸出  
芳甸逝聽多時友招邀及浮賤朝沿灞水窮暮曠  
藍田徧百花照阡陌萬木森鄉縣蘇君世業藍田澗淨綠  
蘿深巖暄新鳥嚮依然造華薄豁爾開靈院淹留  
火禁辰愉樂絃歌宴時藍田令柏命飲蕭蕭列樽俎鏘鏘  
引纓弁天籟激微風陽光蝶奔箭以茲小人腹不  
勝君子饌是日既低迷中宵方眇眩時醉霍亂枕上思  
獨徃胷中理交戰碧雲暗雨來舊原芳草變歡然  
自此絕心賞何由見鴻蒙已笑雲列缺仍揮電忽

與去人遠俄逢歸者便時蓋田尉朝行想像玉泉  
宮依稀明月殿峯巒若登陟水木似遊行息心幸  
自忘點翰仍留眷恨無荆文璧以荅丹青綯

酬綦母校書夢耶溪見贈之作

校文在仙掖每有滄洲心况以北窻下夢遊清溪  
陰春看湖水漫夜入迴塘深徃徃纜垂葛出身望  
前林山人林下飯釣客蘆中吟小隱何足貴長年  
回可尋還車首東道惠言若黃金以我采薇意傳  
之天姥岑後五句一作勝遊在幽尋歷茲山水間  
敬酬陳掾親家翁秋夜有贈

大姬配胡公位乃三恪賓盛德百代祀斯言良不  
泯敬仲爲齊卿當國名益震文舉登宰輔太丘榮  
縉紳武皇受瑤圖爵土封其新繁祉旣驟集裔係  
生賢臣特達踰珪璋節操方松筠雲漢一矯翼天  
池三振鱗曳裾朝赤墀酌醴侍紫宸大君錫車馬  
時復過平津言則廣台階道亦賚天鈞清秋忽高  
興振藻若有神曜耀趨宮廷沈沈邁徐陳鎬京旣  
賜第門巷交朱輪方將襲伊臯永以崇夏殷宗黨  
無遠近敬恭依仁人雪盡宇宙暄鴈歸滄海春沈  
吟白華頌帝闈降絲綸驛騎及蕪城相逢在郊郵

別離曠南北譴謫惟苦辛晝遊還荆吳迷方客咸  
秦惟賢惠重義男女期嘉姻梧桐生朝陽鷓鴣鳴  
蕭晨豈不畏時暮坎壈無與鄰中夜涼風來顧我  
闕音塵瓊瑤不遐棄寤寐如日新

酬李處士山中見贈

厥初遊太學相與極周旋舍采共朝暮知音同古  
先孟陽題劔閣子雲獻甘泉斯須曠千里婉婉將  
十年今來豔陽月好鳥鳴翩翩同聲既求友不肖  
亦懷賢引領遲芳信果枉瑤華篇成頌非其德高  
文徒自妍聲塵遊超越比興起孤絕始信郢中人

乃能歌白雪，歧予北堂夜。搖筆酬明哲，綠竹動秋  
風。層軒靜華月，想像南山下。恬然謝朝列，猶恐鷓  
鴒鳴。坐看芳草歇，邀以青松色。同知白華潔，永願  
登龍門。相將持此節。

李詩云青  
青此松柏

同房憲部應旋

關

衡山法王子，慧見息諸苦。落髮自南州，燕居在西  
土。養正不因晦，得中寧患旅。曠然長虛閑，卽理寄  
行補。四句了自性，一音亦非取。橘柚故園枝，隨人  
植庭戶。我地少安住，念天時啓處。憲卿文昌歸，愉  
悅來晤語。車騎踐香草，僕人沐花雨。長風散繁雲，



萬里靜天宇起滅信易覺清真知有所逍遙高殿  
陰六月無炎暑微言發新偈粲粲如縣圃直心視  
慧光在此大法鼓

晚次東亭獻鄭州宋使君文

自初賓上國乃到鄒人鄉曾點與曾子俱升闕里  
堂武皇恢大畧逸翮思寥廓三居清憲臺兩拜文  
昌閣爲道旣貞信處名猶審諤鐵柱厲風威錦軸  
含光輝夜聞持簡立朝看伏奏歸洞門清珮響廣  
路玉珂飛驪首入丹掖博空趨太微絲綸逢聖主  
出入飄華組情情宿帝梧侃侃居文府海內語三

獨朝端謀六戶善計在弘羊清嚴歸仲舉侍郎跨  
方朔中丞蔑周處天眷擇循良惟賢降寵章分符  
指聊攝爲政本農桑籍籍歌五袴祁祁頌千箱隨  
車微雨灑逐扇清風颺旣以遷列國復茲鄰帝鄉  
褰帷乃仍舊坐嘯非更張居敬物無擾履端人自  
康薄遊出京邑引領東南望林晚鳥雀噪田秋稼  
穡黃成臯天地險廣武征戰場道喪苦兵賦時來  
開井疆霏霏渠門色晻晻制巖光徒念京索近猶  
悲溱洧長大明潛照曜淑慝自昭彰昔歲幸西土  
今茲歸洛陽同焉知鄭伯當輔我周王

秦中初霽獻給事二首

渭水收暮雨處處多新澤  
宮苑傍山明雲林帶天碧  
君子聳高駕英聲邈今昔  
鏘珮出中臺影纓入仙掖  
夙心幸清鑒晚志欣良覲  
鳴盜非足徵願言同下客

南國久爲思西都當作賓  
雲開天地色日照山河春  
善聽在知己揚光惟達人  
妙年弄柔翰弱冠偶良辰  
擢第文昌閣還家滄海濱  
寸心何所望東掖有賢臣

安宜園林獻高使君

直道已三黜幸從江上迴新居茅茨迴起見秋雲  
開十里次舟楫二橋交往來楚言滿鄰里鴈叫喧  
池臺魚鱉樂仁政沈浮亦至哉小山宜大隱要自  
望蓬萊

哥舒大夫頌德

天紀啓真命君生臣亦生乃知赤帝子復有蒼龍  
精神武建皇極文昌開將星超超涓濱器落落山  
西名畫闔入受脈鑿門出扞城戎人昧正朔我有  
軒轅兵隴路起鄠鎬關雲隨旆旌河湟訓兵甲義  
勇方橫行韓魏多銳士蹙張在幕庭大非四決軋

石堡高崢嶸攻伐若振槁孰云非神明嘉謀卽天  
意驟勝由師貞枯草被西陸烈風昏太清戢戈旄  
頭落牧馬崑崙平賓從儼冠蓋封山紀天聲來朝  
芙蓉闕鳴玉飄華纓直道濟時憲天邦遂輕刑抗  
書報知已松柏亦以榮嘉命列上第德輝照天京  
在車持簡墨粲粲皆詞英顧我捨榆者莫能翔青  
冥遊宴非騏驥躑躅思長鳴

終南幽居獻蘇侍郎三首

時拜太  
祝未上

莫奉天氣和登嶺望層城朝日懸清景巍峩宮殿  
明聖君常臨朝達士復懸衡道近無良足歸來卧

山楹靈塔曝仙書深室鍊金葉春巖松柏秀長路  
鳴雞鳴羽化既有言無然悲不成

中歲尚微道始知將谷神抗策還南山水木自相  
親深林開一道青嶂成四鄰平明去采薇日入行  
刈薪雲歸萬壑暗雪罷千巖春始有玄鳥來已見

香華新寄言辜芳者無乃後時人

劉云清  
澗深窺

策青巖裏雲蘿四垂陰虛室若無人喬木自成  
林時有清風至側聞樵采音

劉云幽  
素成章

鳳凰鳴南岡

望望隔層岑旣言山路遠復道谿流深倥佯空中  
遊虬龍水間吟何當見輕翼爲我達遠心

至嶽寺卽大通大照禪塔上溫上人

秋山下映宮宮色宜朝陽迢遞在半嶺參差非一行  
燕息雲滿門出遊花隱房二尊此成道禪宇遙  
相望鳳鐸天中鳴巖梯松下長山壑響信鼓蘅薄  
生蕙香起滅一以雪往來亦誠仁悲哉門弟子要  
自知心長

上長史王公責躬

覆舟無伯夷覆車無仲尼自咎失明義寧由貝錦  
詩松柏日已堅桃李日已滋觀已獨暗昧所居成  
疾藜大賢薦詩文醜婦用娥眉惕惕愧不已豈敢

論其私方朔既有言子建亦有詩惻隱及先世所  
薪成自悲靈鳥酬德輝黃雀報仁慈若公庶伏罪  
此事安能遲

獻八舅東歸

高位莫能捨捨之世所賢雲車遊日華豈比龍樓  
前寢席乃就枕情感惟靈仙帝鴻師道宗臣彭亦  
長年天書加羽服又許歸東川鏡水涵太清禹山  
朝上玄誠亾真混沌玉立方嬋娟素業仙居子  
孫當自傳門多松柏樹儻有逍遙篇獨往不可羣

滄海成桑田



獻王威儀

入與真生言又騎天馬來但有華清宮不用神明  
臺蕭蕭長自閑門靜無人開

至閑居精舍呈正上人

即天后  
故宮

太室三招提其趣皆不同不同非一趣况是天遊  
宮雙嶺前交門閣道復橫空寶坊若花積宛轉不  
可窮流泉自成池青松信饒風秋晏景氣迥晶明  
丹素功近將隱者鄰遠與西山通太師假慧照念  
以息微躬

丙籤三儲光義之四

唐音統籤卷九十二

五言古詩四

獄中貽姚張薛李鄭柳諸公

直道時莫親起羞見讒口輿人是非恠西子  
咎誣善不足悲失聽一何醜大來敢遐望小徃且  
虛受中夜囹圄深初秋縲紲久疎螢出暗草朔風  
鳴衰柳河漢低在戶蠨蛸垂向牖鴈聲遠天未涼  
氣生霽後負戶愁讀書劍光忿衝斗哀哀害神理  
惻惻傷慈母妻子垂涕泣家僮日奔走書詞苦人  
吏饋食勞交友寒服猶未成繁霜漸將厚吉凶問

詹尹倚伏信北叟鬼哭知已冤鳥言誠所誘諸公  
深惠愛朝夕相左右束濕雖欲操鈞金庶無負傷  
羅念搖翮晚足思驤首瑾瑜頗匿瑕邦國方舍垢  
眷言出深窅永日常攜手

河中望鳥灘作貽呂四郎中

河流有深曲舟子莫能知弭棹臨沙嶼微吟西口  
馳平明春色霽兩岸好風吹去去川途盡悠悠親  
友離漢宮成羽翼伊水弄參差爲惜淮南子如何  
攀桂枝

貽袁三拾遺謫作

傾蓋洛之濱依然心事親龍門何以峻會是好詞  
人珥筆朝丹陛含章諷紫宸帝城多壯觀被服長  
如春天子儉爲德而能清約身公卿盡虛位天下  
自趣塵  
望美令德聲何已高帝黜儒生文  
皇謫才子朝廷非不盛譴謫良難恃路出大江陰  
川行碧峯裏斯言徒自玷白玉豈爲滓希聲盡衆  
人深識唯知己知己怨生離悠悠天一涯寸心因  
夢斷孤憤爲年移花滿芙蓉闕春深朝夕池空介  
千萬里長望白雲垂

貽王侍御出臺榭丹陽

高高琅琊臺臺下生箇籜照車十二乘光彩不足  
喻旣當少微星復隱高山霧金丘華陽下僊伯養  
晦處茅茨對三峯梧桐開一路神谿繞臯陸樵牧  
自成趣時登青冥遊若從天江度墟里獻薇蕨羣  
公致衣縷深沈復清淨偃仰視太素猛獸識賓僕  
頽霞知早暮我峩雲龍開忽有方伯遇達人無不  
可壯士且馳驚融泄長離鳴繽紛大鵬翥赤墀高  
崩劣一見如三顧禮服正邦祀刑冠肅王度三辰  
明昭代光啓玄元祚章臺收杞梓太液滿鸞鷲豐  
澤耀純仁八方晏黔庶沈沈闔闔起殷殷蓬萊曙

旌戟儼成行  
雜人傳發煦  
翔翼一如鶚  
百辟莫不  
懼清廟奉蒸  
嘗靈山扈鑿  
輅天街時蹴  
陶直指燕  
桂桓四月純  
陽初雷雨始  
奮豫逆星勃  
皇極鐵鎖  
靜天步  
鄴鎬舒曜  
靈干戈藏  
武庫析榭  
增廣運直  
道有好惡  
迴迹清憲  
臺傳騎東  
南去列城  
異疇昔  
近餞寡徒  
御纏綿西  
關道婉變  
新豐樹伊  
洛不敢  
息淮河任  
沿沂鄉亭  
菜萸津先  
後非疏附  
炎時方  
怵惕有若  
踐霜露惆  
悵長岑長  
寂寞梁王  
傳紛吾  
家延州結  
友在童孺  
岑陽沐天  
德邦邑持  
民務躑  
躅望朝陰  
如何復淪  
誤牙曠三  
千里擊轅  
非所慕

秋濤聯滄溟舟楫湊北固江汜日綿眇朝夕空寐  
寤中洞松栝新東臯阡陌故餘輝方焜燿可以歡  
邑聚南華在濠上誰辨魏王瓠登陟芙蓉樓爲我  
時一賦

新豐作貽殷四校書

漢皇思舊邑秦地作新豐南出華陽路西分長樂  
宮安知天地久不與昔年同雞犬暮聲合城池秋  
霽空紛吾從此去望極咸陽中不見芸香閣徒思  
文雅雄

洛中貽朝校書衡

朝卽日  
本人也

萬國朝天中東隅道最長朝

一作吾

生美無度高駕

仕春坊出入蓬山裏逍遙伊水傍伯鸞遊太學中  
夜一相望落日懸高殿秋風入洞房屢言相去遠  
不覺生朝光

尚書省受誓誠貽太廟裴丞

皇家有恒憲齋祭崇明祀嚴車伊洛間受誓文昌  
裏沈沈雲閣見稍稍城烏起曙色照衣冠虛庭鳴  
劍履徘徊念私覲悵望臨清沚點翰欲何言相思  
從此始

貽崔太祝



天都分禮■肅肅臨清渠春山照前屏高槐蔭內  
除惟賢尚廩祿弟去兄來居文雅更驥首風流信  
有餘中年幸從事乃遇兩吹噓何以知君子交情  
復淡如

貽鼓吹李丞

時信安王北伐李  
公王之所器者也

北戎昧天造王師示有征轅門統元律帝室命宗  
英靈威方首事杖鉞按邊城膏雨被春草黃雲浮  
太清文儒托後乘武旅趨前旌出車發西洛營軍  
臨北平曰予深固陋志氣頗縱橫嘗思驃騎幕願  
逐嫖姚兵惟賢美無度海內依揚聲河間舊相許

車騎日逢迎折節下謀士深心論客卿忠言雖未  
列庶以知君誠

泊舟貽潘少府

行子苦風潮維舟未能發宵風卷前幔卧視清秋  
月四澤葭葦深中洲烟火絕蒼蒼水霧起落落疎  
星沒所遇盡漁商與言多楚越其如念極浦又以  
思明哲

自注時潘  
在後浦

常若千里餘况之異鄉別

貽閩處士防卜居終南

春風搖雜樹言別還江汜堅冰在綠潭又客三千  
里兆夢唯顏色懸情乃文史滌耳貴清言披歡遲

玉趾秦城疑舊廬，佇立問焉如稚子。跪而說還山，  
將隱居竹林，旣深遠，松宇復清虛。跡迴事多逸，心  
安趣有餘。石門動高韻，草堂新著書。時閩子有石  
門草堂詩序  
鸞飛久超絕，蹇足空躊躇。猶有昔時意，望君當照  
車。驅車當六國，何以須潛默。聖主常徵賢，羣公每  
舉德。此時方獨往，身志將何欲。願謝山中人，迴車  
首歸躅。

山中貽崔六琪華

恍惚登高嶺，徘徊看落日。遙想仲園如親幼，安  
室春渚菖蒲發。山中撥穀鳴相思，不道遠太息未

鄉情意君來此地時復疎林薄中夜掃衡門一作門  
迎晨閉茵閣屣履清池上家僮奉信歸憂隨落花  
散目送歸雲飛故交在天末新知復千里無人暫  
往來獨作中林士

華陰作貽祖三詠

朝行敷水上暮出華山東高館宿初靜長亭秋轉  
空日余久淪汨重此聞霜風淅瀝入谿樹颼颼驚  
夕鴻悽然望伊洛如見息陽宮舊識無高位新知  
盡固窮夫君獨輕舉遠近善文雄豈念千里駕崎  
嶇秦塞中

秋庭貽馬九

并序

扶風馬挺余之元伯也舍人諸昆知  
已之日挺充鄭鄉之賦予乃貽此詩

伊昔好觀國自鄉西入秦徃復萬餘里相逢皆  
人大君幸東岳世哲扈時巡予亦從此去閑居清  
洛濱稍稍寒木直彩彩陽華新跌宕孔文舉風流  
小季倫妙年一相得白首定相親重此虛賓館歡  
言冬及春哲兄盛文史出入馳高軌令德本同人  
深心重知己絳衣朝聖主紗帳延才子伯淮與季  
江清濟各孤峙羣方趨汎愛萬物通情理而我信  
空虛提攜過杞梓夫君美聲德直道期終始孰謂

忽離居優游鄭東里東里近王城山連路亦平  
何言相去遠閒言獨淒清萬里鴻鴈度四鄰砧杵鳴  
其如又離別重以霜風驚

山居貽裴十二迺

落葉滿山砌蒼烟埋竹扉  
嫌懷青冥士書劍常相  
依霜卧眇茲地攀言紛已  
違衡陽今萬里南將  
何歸出徑惜松引入舟  
憐釣磯西林有明月夜  
空徵徵

貽王處士子文

春草生洞渚春風入上林  
春皇有黃鶴撫翮未傷

音王屋嘗嘉遜伊川復陸沈張弦鷓雞弄閉室蓬蒿深避地歌三樂遊山賦九吟大君思左右無乃化黃金

貽余處士

故園至新浦遙復未百里北望是他邦紛吾即遊士潮來津門啓罷楫信流水客意乃成歡舟人亦相喜遲遲菱荇上泛泛菰蒲裏漸聞商旅喧猶見鷺鳧起市亭忽雲構方物如山峙吳王昔喪元隋帝又滅祀停臚一以眺太息興亾理秋苑故池田宮門新柳杞我行苦炎月乃及清昊始此地日逢

迎終思■君子莫言異卷舒形音在心耳

貽韋師

精思莫知只意靜如空虛三鳥自來去九光遙卷  
舒新池近天井玉宇停雲車余亦苦山路洗心祈  
道書

鞏城南河作寄徐三景暉

初年雨候遲鞏洛河流小搖搖芳草岸屢見春山  
曉清露洗雲林輕波戲魚鳥唯言故人遠不念鄉  
川眇舟楫去縈迴湍激行奔峭寄書千里路莫道  
南鴻少



秋次灞亭寄申大

橘柚植寒陵，芙蓉蒂修坂。無言不得意，得意何由展。  
况我行且徒，而君往猶蹇。旣復事近復，言天道遠薄。  
暮入空亭中，夜不能飯南。聽鴻鴈，盡而見招搖。轉千門，漢主宮。  
百里周王苑，杲杲初景出。油油鮮雲卷，會朝幸歲正。校獵從秋獮，念君久京國。  
雙涕如露泣，無人薦子雲。太息竟誰辨。

奉別長史庾公太守徐公應召

烈風起江漢，白浪忽如山。方伯驟勤王，杞人亦憂天。  
酆鎬頌靈晦，雲龍召我賢。車騎北艱苦，舫艍西

沂冷水靈靜湍瀨猛獸趨後先  
龍樓開新陽萬甲出雲間  
宇宙旣焜耀崇德濟巨川  
受命在神宗振兵猶軒轅  
煌煌踰涿鹿穆穆更坤元  
明王朝太階遠邇望嘉言  
遊子淡何思江湖將永年

獻華陰羅丞別

華山薄遊者玄髮當青春  
道德同仙吏尊卑卽丈人  
縣城俯京路獲見官舍裏  
淹留瓊樹枝諱浪春  
泉水昔余在天目總角奉遊從  
寒暑遞來往今復蓮化峯  
別情無遠近道別方愁予  
孰想古人言乃知悲風雨

貽丁主簿仙芝別

赫赫明天子翹翹羣秀才昭昭皇宇廣隱隱雲門

開搖曳君初起聯翩予復來

丁次丁侯舉

茲年不得意

相命遊靈臺

同爲太學諸生

驩躍多逸氣琳琅有清響聯

行擊水飛獨影凌虛上

丁侯先第

關河施芳聽江海徼

新嘗斂衽歸故山敷言播天壤雲峯雖有異楚越

卒相親既別復遊處道深情更殷下愚忝聞見

丁後

人第又應制授官

上德猶邈迪偃仰東城曲棲遲依水濱

脫巾從會府結綬歸海裔親知送河門邦族迎江

濞夫子安恬淡他人悵追遶飛舲旣眇然洲渚徒

虧蔽人謀固無準天德諒難知高名處下位逸翮  
棲卑枝去去水中沚搖搖天一涯蓬壺不可見來  
泛躍龍池

舟中別武金壇

曰子輕皎潔坦率賓混元忽乃異羣萃高歌信陵  
門信陵好賓客清夜開華軒月光麗池閣野氣浮  
林園偶坐爛明星歸心潛崩奔漾舟清潭裏慰我  
別離竟落日下西山左右慄無言蕭條風雨散宵  
靄江湖昏秋荷尚幽鬱暮鳥復翩翩紙筆亦何爲  
寫我心中寬

京口送別王四誼

江上楓林秋江中秋水流清晨惜分袂秋日尚同  
舟落潮洗漁浦傾河枕驛樓明年菊花熟洛東泛  
觴遊

貽劉高士別

夙駕出東城城傍早霞散初日照龍闕  
我我在天半壯哉麗百常美矣崇兩觀俯視趨朝客  
簪珮何璀璨而我送將歸徘徊灞陵岸北堂去吳越  
南鴈離江漢伊昔蹈丘園翩翩理文翰高談閔仲叔  
逸氣劉公幹每言竹柏貞嘗輕朝市玩山畫猿狖靜

谿鱣魚鳥亂寧止卧崆峒直云期汗漫聖君既理  
歷族土咸炳煥矯首來天池振羽泛漪瀾元淑命  
不達伯鸞吟可歎東去姑蘇臺乃過陟陽館舍轡  
函關道浮舟滄海畔耳目曠暄涼懷抱盈悲惋沈  
沈青歲晚靄靄秋雲換自言永遜棲無復從羈絆  
揮手謝知己知己莫能讚

同諸公送李雲南伐蠻

昆明濱滇池蠢爾敢逆常天星耀鐵鑕吊彼西南  
方冢宰統元戎太守齒軍行囊括千萬里矢謨在  
廟堂耀耀金虎符一息到炎荒蒐兵自交趾菱舍

出瀘陽羣山高嶄巖凌越如鳥翔封豕驟踰伏巨  
象遙披攘迴谿深天淵揭厲踰舟梁玄武掃狐蜮  
蛟龍除方良雷霆隨神兵礪磕動穹蒼斬伐若草  
木繫縲同犬羊餘醜隱洱河啁啾亂行藏君子惡  
薄險王師耻重傷廣車設置梁太白收光芒邊吏  
靜縣道新書行紀綱劔閣掉鞅歸武弁朝建章龍  
樓加命服解豸擁秋霜邦人頌靈旗側聽何洋洋  
京觀在七德休哉我神皇

送丘健至州勅放作

時任下  
邦尉

太史登觀

街耀旄頭大君忽霆震詔爵冠軍

侯南必梁孫源西將圍崑丘河隴徵擊卒虎符到  
我州朝集咸林城師言亂啁啾殺氣變木德凜凜  
如高秋元戎啓神皇廟堂發嘉謀息兵業稼穡歸  
馬復休牛和風開陰雪大耀中天流歡聲股河嶽  
涵蕩非煙浮邦牧新下車德禮被昨讒乾坤日交  
泰吾亦遂優游

送周十一

秋風隕羣木眾草下巖霜復問子何如自言之帝  
鄉豈無親所愛將欲濟時康握手別征駕反悲岐  
路長



送恂上人還吳

洛城本天邑洛水卽天池君王旣行幸法子復來  
儀虛室香花滿清川楊柳垂乘閑道歸去遠意誰  
能知

同王十三維哭殷遙

生理無不盡念君在中年遊道雖未深舉世莫能  
賢筮仕苦貧賤爲客少田園膏腴不可求乃在許  
西偏四鄰盡桑柘咫尺閒精垣內艱未及虞形影  
隨化遷茅茨俯苦蓋雙殯兩楹聞時聞孤女號迴  
出陌與阡慈烏亂飛鳴猛獸亦以踰故人王夫子

靜念無生篇哀樂久已絕聞之將泫然太陽蔽空  
虛雨雪浮蒼山迢遞親靈輓領予悲絕絃處順與  
安時及此乃空言

陸著作挽歌五首

世業江湖側郊原休沐處猶言五日歸未道千秋  
去鄉亭春水綠昌閣寒光暮昔爲晝錦遊今成逝  
川路

歸路秦城下寒雲慘平田故園滄海邊綠柳覆平  
川送客異他日還舟殊昔年華亭有明月長向隴  
頭懸

片于卷四  
劍水千人石荆江萬里流英英有君子才德滿中  
州明道俟良佐惟賢初薄遊生涯一朝盡寂寞夜  
臺幽

金堂策令名仙掖居清位鳴玉朝雙闕垂纓遊兩  
地朝夕既論思春秋仍書事何言魯聲伯忽下瓊  
珠淚

令德棄人世明朝降寵章起居存有位著作沒爲  
郎寒水落南浦月華虛北堂松門一長想彷彿見  
清揚

雜詠五首

石子松

盤石背巖下松生盤石中  
冬春無異色朝暮有清  
風五鬣何人采西山舊兩童

駕簷藤

得從軒墀下如勝松柏林  
生枝逐架遠吐葉向門  
深何許答君子簷間朝暝陰

池邊鶴

舞鶴傍池邊水清毛羽鮮  
立如依岸雪飛似向池  
泉江海雖言曠無如君子前

釣魚灣

垂釣綠灣春春深杏花亂潭清疑水淺荷動知魚散日暮待情人維舟綠楊岸

幽人居

幽人下山徑去去夾青林滑處莓苔濕暗中蘿薜深春朝烟雨散猶帶浮雲陰

述韋昭應畫犀牛

遐方獻文犀萬里隨南金大邦柔遠人以之居山林食棘無秋冬絕流無淺深雙角前嶄嶄三蹄下駸駸朝賢壯其容未能辨其音有我哀烏郎新邑長鳴琴陞閣飛嘉聲丘甸盈仁心閑居命國工作

繪北堂陰眈眈若有神  
庶比來儀禽昔有舞天庑  
為君奏龍吟

羣鴉詠

新宮驪山陰龍哀時出  
豫朝陽照羽儀清吹肅  
遶路羣鴉隨天車夜滿  
新豐樹所思在腐餘不  
復憂霜露河低宮閣深  
燈隱鼓鐘曙繡紛起寒  
枝矯翼時相顧冢一作宰  
收琳瑯侍臣進一作盡  
鵠鷺高舉摩太清永絕  
矰繳懼茲禽亦翱翔不  
以微小故

丙籤三儲光羲之五

唐音統籤卷九十三

七言古詩

登戲馬臺作

君不見宋公杖鉞誅燕後英雄踴躍爭趨走小會  
衣冠呂梁壑大徵甲卒礪礪口天開神武樹元勳  
九日茱萸饗六軍泛泛樓船遊極浦搖搖歌吹動  
浮雲居人滿日市朝變霸業猶存齊楚甸泗水南  
浮桐柏川沂山北走瑯琊縣滄海沈沈晨霧開彭  
城烈烈秋風來少年自言未得意日暮蕭條登古

臺

同張侍御宴北樓

今之太守古諸侯出入雙旌重七旒朝覽干戈時  
聽訟暮延賓客復登樓西山漠漠掩岷色北渚沈  
沈江漢流良宵清淨方高會繡服光輝連鳧蓋魚  
龍恍惚堦除下雲霧杳冥窓戶外水靈慷慨行泣  
珠遊女飄飄思解珮蒼蒼低月半遙城落落踈星  
滿太清不分開襟悲楚奏願言吹笛退 兵軒后  
清丘埋楔猶周王白羽掃攬搶期君武節朝龍闕  
余亦翱翔歸玉京

新豐主人



新豐主人新酒熟舊客還歸舊堂宿滿酌春舍北  
砌花盈樽色泛南軒竹雲散天高秋月明東家少  
婦解秦箏醉未忘却巴陵道夢中疑是洛陽城劉  
珠態蕩

薔薇篇

裊裊長歡尋青青不作林一莖獨秀當庭心數枝  
分作滿庭陰春日遲遲欲將半庭影離離正堪玩  
枝上嬌鶯不畏人葉底飛蛾自相亂秦家女兒愛  
芳菲畫眉相伴一作喚未歲蕤高處紅鬚欲就手依  
邊綠刺已牽衣蒲萄架上朝光滿楊柳園中暝鳥

飛連袂踏歌從此去風吹香氣逐人歸

劉云轉換流鹿可歌

可舞皆切題語

貽從軍行

取小非川來朝明光殿東平不足先夢出鳳林  
間夢還滄海關萬里盡陰色豈為我離別馬上吹  
笛起寒風道傍舞劍飛春雪男兒懸孤非一日君  
去成高節

關誤

酬李壺關奉使行縣憶諸公

清風江上滄浪吟白月中鸚鵡林非有淨清心  
同道同房若斷金離居忽有雲山意清韻遠轉真

檄事去時能憶竹園遊  
來時莫忘桃源記

闕註

五言律詩一

藍上茅茨期王維補闕

山中人不見雲去夕陽過淺瀨  
寒魚少菰蘭秋蝶  
多老年跡世事幽性樂天和  
酒熟思才子  
谿頭望玉珂

尋徐山人過馬舍人

泊舟伊川右正見野人歸  
日暮春山綠我心清且  
微巖聲風雨度水氣雲霞飛  
復有金門客來叅蘿  
薜衣

官莊池觀競渡

落日吹簫管清池發棹歌  
船爭先後渡岸激去來  
波水葉藏魚鳥林花間綺羅  
踟躕仙女去猶似望  
天河

夜觀妓

白雪宜新舞清宵召楚妃  
嬌童携錦薦侍女整羅  
衣花映垂鬟轉香迎步履  
飛徐徐斂長袖雙燭送  
將來

寒夜江口泊舟

寒潮信未起出浦纜孤舟  
一夜苦風浪自然增旅

愁吳山遲海月楚火照江流欲有知音者異鄉誰  
可求

漢陽即事

楚國千里遠孰知方寸違春遊歡有客夕寢賦無  
衣江水帶冰綠桃花隨雨飛九歌有深意捐珮乃  
言歸

臨江亭五詠并序

建業為都舊矣晉主來此而禮物盡備謝云在  
德亦云在險京口其地也嗚呼有邦國者有興  
亡焉自晉及陳五世而滅以今懷古五篇為興  
臨江亭得其勝築亭以興言雖未及乎辯士亦  
其志也

晉家南作帝京鎮北為關江水中分地域樓下帶  
山金陵事已往青蓋理無還落日空亭上愁看龍  
尾灣

山橫小苑前路盡大江邊此地興王業無如宋主  
賢潮生建業水風散廣陵煙直望清波裏祇言別  
有天

城頭落暮暉城外搥秋衣江水青雲挹蘆花白雪  
飛南州王氣疾東國海風微借問商歌客年年何  
處歸

古木嘯寒禽層城帶夕陰梁園多綠樹一作柳楚岸

畫楓林山際空為險江流長自深平生何以恨天地本無心

京山千里過孤憤望中來江勢將天合城門向水開落霞明楚岸夕露濕吳臺去去無相識陳皇安在哉

渭橋北亭作

停車渭橋陽一作暮望望入秦京不見鷓鴣道如聞歌吹聲鄉兔涉江水客路指蒲城獨有故樓月今來亭上明

張谷田舍

鄭谷詩舊集誤入

縣官清且儉深谷有人家一徑入寒竹小橋穿野  
花碓喧春澗滿梯倚綠桑斜自說年來檢前村酒  
可賒

題陸山人樓

暮聲雜初鴈夜色涵早秋獨見海中月照君池上  
樓山雲拂高棟天漢入雲流不惜朝光滿其如千  
里遊

石甕寺

遠山起真宇西向盡花林下見宮殿小上看廊廡  
深苑花落池水天語聞松音真子又知我焚香期



化心

苑外至龍興院作

朝遊天苑外，忽見法筵開。  
山勢當空出，雲陰滿地來。  
疎鐘清月殿，幽梵靜花臺。  
日暮香林下，飄飄仙步迴。

題慎言法師故房

精廬不住子，自有無生鄉。  
過客知何道，徘徊鴈子堂。  
浮雲歸故嶺，落月還西方。  
日夕虛空裏，時時聞異香。

題虬上人房

禪宮分兩地釋子一為心入道無來去清言見古  
今江寒池水綠山暝竹園深別有中天月遙遠散  
夕陰

奉和中書徐侍郎中書省翫白雲寄潁陽趙  
大

青闕朝初退白雲遙在天非闕取雷雨故欲伴神  
仙泛灩鵠池曲飄飄瓊闥前猶多遠山意幸入侍  
臣篇

祭風伯壇應張太祝作

聖主御青春綸言命使臣將修風伯祀更福太平

人帝幕宵聯事壇場曉降神帝心矜動物非為屬  
車塵

和張太祝冬祭馬步

故壇何肅肅中野自無喧烈火見陳信聽言聞永  
房星隱曙色朔氣動寒原今日敬天馬非闕征  
大宛

卷五十三維

門生故來往知歎命浮觴忽奉朝青閣回車入上  
陽落花滿春水踈柳映新塘是日歸來暮勞君奏

雅章

胎主客呂郎中

即皇太子贊諭

上士既開天中朝為得賢青雲方羽翼畫省叱神  
仙委珮雲霄裡含香日月邊

一作前

君王倘借問客

有上林篇

霽後胎馬十二翼

高天風雨散清氣在園林况我夜初靜當軒鳴綠  
琴雲開北堂月庭滿南山陰不見長裾者空歌遊  
子吟

泊江潭胎馬校書

明月桂青天遙遙如目前故人遊畫閣却望似雲

邊水宿依漁父歌聲和好一作采蓮采蓮江上曲今夕為君傳

重寄虬上人

一作雲峯別  
三看花柳朝青山  
隔遠路明月空長  
霄鶴浴西江雨  
雞鳴東海潮  
此情勞夢寐  
况道雙林遠

丙籤三儲光義之六

唐音統籤卷

四九

五言律詩二

留別安慶李太守

明牧念行子又言悲解携初筵方落日到醉止列  
鳴鷄過客來自北大軍居在西兵家如討逆敢以  
庶盤路

京口留別徐大補闕趙二零陵

皇州月初曉處處鼓鐘喧樹出蓬萊殿城開閭闔  
門近臣朝瑣闥詞客向文園獨有三川

一作

路空

傷遊子魂

錢張七珪仕宗城

即環之季也同產  
八人供以才名知

他日曾遊魏魏家餘趾存可憐  
宮殿所但見桑榆繁此去拜新  
職爲榮近故園高陽八才子况  
復在君門

仲夏餞魏四河北覲叔

落日臨御溝送君還北州  
樹涼征馬去路暝歸人  
愁吳嶽憂雲盡渭河秋水  
流東籬摘芳菊想見竹  
林遊

送沈校書吳中搜書

郊外亭臯遠野中岐路分  
苑門臨渭水山翠雜春

雲秦閣多遺典吳臺訪關文君王思校理莫滯清  
江濱

送姚六崑客任會稽何大寒任孟縣

越城臨渤海晉國在河汾仙綬兩鄉意青郊一路  
分野棠春未發田雀一作鶴暮成群他日思吳會嘗  
因西北雲

送人隨大夫和蕃

西方有六國國國願來賓聖主今無外懷柔遣使  
臣大夫開幕府才子作行人解劍遙相送秦城二  
月春



送人尋裴斐

柱史迴清憲  
謫居臨漢川  
遲君千里駕  
方外賞雲泉  
路斷因春水  
山深由暝烟  
湘江見遊女  
寄摘一枝蓮

洛中送人還江東

洛城春雨霽  
相送下江鄉  
樹綠天津道  
山明伊水陽  
孤舟從此去  
客思一何長  
直望清波裏  
唯餘落日光

奉中送人覲省

二月清江外  
遙遙餞故人  
南山晴有雪  
東陌霽無塵

塵騎別章臺晚舟行洛水春知君梁苑去日見白  
華新

洛潭送人觀省

清洛帶芝田東流入大川舟輕水復急別望杳如  
仙細草生春岸明霞散早天送君唯一曲當是白  
華篇

洛陽東門送別

東城別故人臘月連芳辰不惜孤舟去其如兩地  
春花明洛陽苑水綠小平津是日不相見鶯聲徒  
自新

洛橋送別

河橋送客舟河水正安流  
遠見輕橈動遙憐故國遊  
海禽逢早鴈江月值新秋  
一聽南津曲分明散別愁

送王上人還襄陽

朝看法雲散知有至人還  
送客臨伊水行車出故關  
天化滯南國精舍在空山  
雖復諸來去中心長日閑

隴頭水送別

相送隴山頭東西隴水流  
從來心膽盛今日為君

愁暗雪迷征路寒雲隱戍樓  
唯餘旌旆影相逐去悠悠

題山中流泉

山中有流水借問不知名  
映地為天色飛空作雨聲  
轉來深澗潄分出小池  
平恬澹無人見年年長自清

五言排律

秦中守歲

衆星已窮次青帝方行春  
永感易成戚離居難重  
陳園門守初夜燎火到清晨  
或念生法多傷未出

塵廣庭日將宴虛室自為賓願以桑榆末常逢甲子新

大酺得長字韵

時任安宜尉

大道啟元命時人居大康中朝發元澤下國被天  
光明詔始端午初筵當履霜鼓鼙迎一作開爽氣羽  
籥映新陽太守即元圃淮夷成葆彊小臣慙下位  
拜手頌靈長

獻高使君大酺作

肅穆郊禋畢工歌賞事并三朝遵湛露一道洽仁  
明布德音皆應無為物自成花天羅綺色鶯亂管

絃聲獨有登高唱空陪樂太平

觀競渡

大夫沈楚水千祀國人哀習棹江流長迎神雨霧  
開標隨綠雲動船逆清波來下怖魚龍趣上驚鳧  
鴈迴能令秋大有鼓吹遠相催

奉酬張五丈垂贈

綵服去江沱白雲生大梁星辰動異色羔鴈成新  
行日望天朝近時憂郵路長情言問道軸惠念及  
滄浪松柏以之茂江湖亦自忘賈生方弔屈豈敢  
比南昌

同張侍御鳴和京兆蕭兵曹華歲晚南園  
公府傳休沐私庭效陸沈方知從大隱非復在幽  
林闕下忠貞志人間孝友心既將冠蓋雅仍與薜  
蘿深寒變中園柳春歸上苑禽池涵青草色山帶  
白雲陰潘岳閑居賦鍾期流水琴一經當自足何  
用遺黃金

大學貽張筠

壁池忝門子俄頃變炎涼綠竹深虛館清響流洞  
房園林在建業新友去咸陽中夜鼓鐘靜初秋漏  
刻長浮雲開大室華蓋上明堂空此遠相望勞歌

還自傷

滎陽馮氏二子

聖君封太嶽十月建行旃  
輦路開千里寒雲霽九  
天故人多侍從二子留  
伊川河兗冰初合闕城  
月屢圓暝過滎水上聞  
說鄭卿賢才蔽行人右  
名居東里先制巖開別  
業桑柘亦依然待至金  
園側相將居一廛

七言律詩

田家即事

本揚發詩  
舊集誤入

桑柘悠悠水陂堤晚風晴景不妨犁  
高機猶織卧



蠶子下坂饑逢餉饑妻杏色蒲林羊酪熟麥涼淨  
壠雉媒低生時樂死皆由命事在昊天迴不迷

五言絕句

長安道二首

鳴鞭過酒肆  
袷服遊倡門  
百萬一時盡  
含情無片  
言

西行一千里  
暝色生寒樹  
暗聞歌吹聲  
知是長安  
路

洛陽道五首獻呂四郎中

洛水春冰開  
洛城春樹綠  
朝看大道上  
落花亂馬

足

劇孟不知名千金買寶劍出入平津邸自言嬌且

艷

大道直如髮春日佳氣多五陵貴公子雙雙鳴玉

珂

春風二月時道傍柳堪把上枝覆官閣下枝拂一作

覆車馬

洛水照千門千門碧空裏少年不得志走馬遊新

市

江南曲四首

綠江深見底高浪直翻空慣是湖邊住舟輕不畏  
風  
逐流牽荇葉綠岸摘蘆苗為惜鴛鴦鳥輕輕動畫  
橈  
日暮長江裏相邀歸渡頭落花如有意來去逐船  
流  
隔江看樹色沿月聽歌聲不是長干住那從此路  
行

關山月

一鴈過連營繁霜覆古城  
鎗在何處半夜起邊

聲

玉真公主山居

山北天泉苑  
山西鳳女家  
不言沁園好  
獨隱武陵花

奉真觀

真門迴向北  
馳道直向西  
爲與天光近  
雲色成虹霓

滄浪峽

一作儲  
嗣宗詩

滄浪臨古道  
道上石成塵  
自有滄浪峽  
誰爲無事

人

同武平一負外遊湖

竹吹留歌扇蓮香入舞衣前谿多曲澗乘興莫先  
歸

七言絕句

明妃曲四首

西行隴上泣 天南向雲中指渭川  
毳幙夜來時  
宛轉何由得似漢王邊

王知妾不勝悲樂府皆傳漢國辭  
朝來馬上箜篌引  
稍似宮中閑夜時

日暮驚沙亂雪飛  
傍人相勸易羅衣  
強來前殿看

歌舞共待單于夜臘歸

彩騎雙雙引寶車  
卷笛兩兩奏  
茄若爲別得橫

橋路莫隱一作不憶宮中玉樹花

同武平一負外游湖五首時武昭全壇令

紅荷碧篠夜相鮮  
孔一作息蓋蘭橈浮翠筵  
舟中對

舞卽卽曲月下雙彈  
盧女絃

青林碧嶼暗相期  
緩楫揮觥欲賦詩  
借問高歌几

幾轉河低月落五更時

朝來仙閣聽絃歌  
暝入花亭見綺羅  
池邊命酒憐

風月浦口迴船惜  
芰荷

朦朧竹影蔽巖扉  
淡蕩荷風飄舞衣  
舟尋綠水宵將半  
月隱青林人未歸  
花潭竹嶼傍幽溪  
畫楫浮空入夜谿  
芰荷覆水船難進  
歌舞留人月易低

題茅山華陽洞

華陽洞口片雲飛  
細細濛濛欲濕衣  
玉簫徧滿仙壇上  
應是茅家兄弟歸

寄孫仙人

新林二月孤舟還  
水滿清江花滿山  
借問故園隱君子  
時時來往在一作佳人間  
又作向

江中每有氣若雲若煙謂之江霧具區亦間有  
之儲詩多用水霧字非吳人不能知也客識